

NORTH CAROLINA LUB KHOOS KAS KUAJ NTSUAS TUS ME NYUAM MOS YUG TSHIAB

Daim Ntawv Qhia Qhov Tseeb Txog Kev Txawv Txav Los Ntawm Tus Thaj Galactosemia rau Niam thiab Txiv

Txhua tus me nyuam mos yug tshiab nyob rau North Carolina yuav raug kuaj ntsuas qee cov yam ntxwv muaj mob rau thaum yug los es thiaj li yuav raug kho tau kom pov thaiv txhob ua rau muaj mob loj. Qhov no hu ua qhov kev kuaj me nyuam yug tshiab. Qhov ua tau los ntawm kev ntsuas xyuas tus me nyuam mos yug tshiab tau qhia pom tias koj tus me nyuam mos yuav muaj qhov txawv txav ntawm qhov thaj galactosemia (guh-lak-tuh-see-mee-uh). Koj tus me nyuam yuav raug xa mus rau tus kws kho mob paub tshwj xeeb kom tau kev kuaj ntsuas ntxiv.

Tej zaum yuav tsis muaj cov cim ntawm kev txawv txav ntawm tus thaj galactosemia thaum yug los.

Tus mob Galactosemia Classic yog dab tsi?

Tus mob galactosemia classic yog tus mob txawv txav uas tau los ntawm niam thiab txiv uas tsis tshua pom muaj uas cuam tshuam rau koj tus me nyuam lub peev xwm yuav ua kom mis thiab mis nyuj yaj taus. Cov neeg uas muaj tus mob galactosemia classic muaj qhov tsis txaus (tsis muaj txaus) ntawm cov thaj galactose-1-phosphate uridylyltransferase (GALT) enzyme. Qhov no txhais tau tias lawv tsis muaj peev xwm yuav ua kom cov thaj galactose, piam thaj uas pom nyob hauv mis thiab cov khoom uas muaj mis nyuj yaj taus thiab koj mus siv tau. Raws li qhov tshwm sim tawm los, tus me nyuam tsis tuaj yeem ua kom niam li mis thiab cov mis nyuj yaj taus thiab koj mus siv tau. Yog tias tsis pib ua kev kho mob kom ntxov, cov mob hnyav uas muaj kev phom sij txog lub neej txoj sia tuaj yeem tshwm sim tau.

Cov tsos mob ntawm Classic Galactosemia yog dab tsi?

Cov neeg uas muaj tus mob classic galactosemia yuav muaj ntau yam tsos mob, los sis cov cim ntawm tus kab mob. Feem ntau lawm cov tsos mob yuav tshwm sim nyob hauv ob peb lub lim tiam thaum yug los thiab tuaj yeem suav nrog:

- Noj zaub mov tau tsis zoo
- Ntuav
- Tawv nqajj thiab ob lub ntsiab muag dawb ua xim daj (ib ce daj)
- Tsis muaj zog (zoo li qaug zog)
- Los ntshav
- Hauv xaws su tuaj saum tiaj hau (hauv xaws o tuaj)
- Ntsiab muag o (lub ntsiab qhov muag nro)

Tus mob Duarte Galactosemia yog dab tsi?

Tus mob duarte galactosemia yog hom mob galactosemia uas mob me uas pheej yuav tsis qhia pom cov tsos mob thiab tsis tas muaj kev kho mob. Tus yam ntxwv mob no qee zaum tau txais kev txheeb qhia tias yog ib feem ntawm kev ntsuas mob ntawm tus me nyuam mos yug tshiab txog classic galactosemia.

Yuav tshwm sim dab tsi txuas mus ntxiv tom ntej?

Koj tus me nyuam mos tus kws kho mob rau me nyuam yaus yuav xa koj tus me nyuam mos mus rau tus kws kho mob paub tshwj xeeb rau kev kuaj mob soj qab xyuas uas yuav nce raws li koj tus me nyuam qhov tshwm sim los ntawm kev ntsuas xyuas tau ntawm tus me nyuam mos yug tshiab tshwj xeeb. Nyob rau lub sij hawm no, tej zaum koj tus kws kho mob rau me nyuam yaus yuav thov kom koj hloov mus siv cov mis hmoov uas ua los ntawm taum pauv.

Tus mob Galactosemia tau txais kev kho li cas?

Kev kho mob rau cov me nyuam mos uas xoom xaim tias yuav muaj **tus mob classic galactosemia** yuav muaj xws li:

- **Zam tej khoom noj uas muaj galactose:** Qhov no suav nrog niam cov mis thiab mis nyuj. Siv cov mis hmoov rau me nyuam mos uas ua los ntawm taum pauv los hloov rau. Kev hloov pauv hauv leej niam tej khoom noj tsis cuam tshuam rau qib kev muaj thaj galactose hauv niam cov mis li.
- **Yog tias koj muaj kev txhawj xeeb hais txog cov tsos mob twg hauv koj tus me nyuam mos, ces tiv tauj rau koj tus me nyuam mos tus kws kho mob rau me nyuam yaus kiag tam sim ntawd.** Yog tias koj tus me nyuam mos yug tshiab muaj cov tsos mob ntawm galactosemia, nws yuav tsum tau mus rau ntawm lub tsev kho mob.

Kuv yuav mus nrhiav ntaub ntawv qhia paub ntxiv tau qhov twg?

Siv koj lub xov tooj lub koob yees duab los thajj cov khauj QR hauv qab no..



Tus Me Nyuam Mos Qhov Kuaj Thawj Zaug:

<https://www.babysfirsttest.org/newborn-screening/conditions/classic-galactosemia>



Lub Chaw Muab Ntaub Ntawv Qhia Paub Txog

Kab Mob Caj Ces thiab Kab Mob Tsis Tshua

Pom Muaj: <https://rarediseases.info.nih.gov/diseases/13639/classic-galactosemia>



NC DEPARTMENT OF
HEALTH AND
HUMAN SERVICES

NC Chav Hauj Lwm Ntsig Txog Cov Kev Pab Cuam Kev
Noj Qab Haus Huv thiab Tib Neeg

www.ncdhhs.gov

NCDHHS yog ib tug tswv hauj lwm thiab lub chaw muab
kev pab cuam uas muaj vaj huam sib luag.

Daim ntawv qhia qhov tseeb no raug txhawb nqa los ntawm Cov Chaw Tswj thiab Pov Thaiv Kab Mob ntawm Tebchaws Meskas Lub Tuam Tsev Hauj Lwm ntsig txog Cov Kev Pab Cuam Kev Noj Qab Haus Huv thiab Tib Neeg (Department of Health and Human Services, HHS) raws li ib feem ntawm qhov khoom plig kev pab txhawb fab nyiaj txiag xam tag nrho \$423,900 nrog kev tau txais peev nyiaj pab 100 feem pua los ntawm CDC/HHS. Cov ntsiab lus no yog tus(cov) kws sau ntawv li thiab tsis tas yuav muaj feem sawv cev los tshab xyuas raws kev raws cai, thiab tsis tas muaj kev pom zoo, los ntawm CDC/HHS, los sis Nom Tswv Hauv Teb Chaws Mes Kas.